



ОЛЬГА БАЖЕНОВА

*Ме велодча радейтны выльысь*

Кывбурьяс

Ваша,  
еюна кортис,  
Пугачовская га  
Видеосъемка!

Ольга.

2016.11.02

Ольга Баженова

# Ме велӧдча радейтны выльысь

Кывбурьяс

Сыктывкар 2016

ББК 84(2Рос=Коми)

Б16

**Небөгсö лэдзöм вьлö сьöмсö вичмöдiс Эстонияса  
Национальнöй Культура Фонд  
(Eesti Rahvuskultuuri Fond)**

Баженова О.Н.

Б16 Ме велöдча радейтны вьльысь. Кывбурьяс.  
– Сыктывкар, 2016. – 64 л.б.

Быдöн ми мыйöкö велöдчам: лыддыны, гижны,  
эскыны... И радейтнытö колö... велöдчыны.  
Авторыс, том гижысь, юксö тiянкöд сьöн, мый  
воссис сылы тайö помасьлытöм туй кузяыс  
мунiгөн...

ББК 84(2Рос=Коми)

ISBN 978-5-600-01588-3

© Ольга Баженова, 2016

© Анжелика Елфимова, предисловие, 2016

Быд кывбур гижысьлөн – аслас Вöльнöй Свет, кöнi сiйö олö-лолалö, кодөн сiйö гөгөрвоö тыдалансö да тыдавтöмсö. И кодөн сiйö кывбурьяс пырыс юксö мукöдыскöд. Олялөн Вöльнöй Светыс – мөвпаланасыс-мөвпалана. Позьö любуйтчыны кывбурьясас тыдалана веркöснас. Позьö шензыны сэтчöс югьялана мичнас. Но мед гөгөрвоны найöс тырвыйö – колö суньштны наö. Суньштны вежөрнад, вир-яйнад, лов-сьөлöмнад. Сöмын сэки, суньштöмөн и воссясны кывбурьясыс. Воссясны шоныднас, джуджыднас, кокныєднас да лöсьыднас.

Олялөн абу серпаса кывбурьяс. Быд стрöка, быд кыв – тайö том нывлөн философия. А философия – тайö асьтö корсьöм, гөгөрвоöм. Поэтöс гөгөрвоиг, лыддысьыс и асьсö сэтыс гөгөрвоö. Олялыс кывбурсö колö лыддыны оз син чашкөдöмөн. Колö чашкөдны лөвтö да кывзыны, мый сэнi пондас керсьыны, кор лөлыд шоналас Олялөн кывбурыс.

*Анжелика Елфимова*



Адыл кытп сөстөмөмө ным?  
 Түрүмүс көпүкөс - нымс джүмүс  
 Мыйтс тымн аждымс, нымт сөс?  
 Сөмн колө - сүвтлынытө кужны

## **Сөмын колө – сүвтлынытө кужны...**

Сөмөмөкө - кызыл тымн жымс  
 Мүркүмөтөкө нымт сөс  
 Нымс төрө нымс көркө нымс  
 Нымн кымн кымн - Бект кымн

Кымн сөмн нымт тымн нымс  
 Кымн нымт нымс - нымс  
 Нымт нымс нымс нымс  
 Сөмн нымс нымс - нымс

\*\*\*

Аддзан, кыдзи сөстөммөма ваыс?  
Гудырыс кө пуксяс – ваыс джуджыд.  
Мыйта тэын джуджыдыс, нюйт саяс?  
Сөмын колө – сувтлынытө кужны.

Сөмын колө садьтө – сьөлөм шөрад.  
Сөмын колө кывны сійөс лөня.  
Дзебсясьөмъяс, пышьялөмъяс бөрад –  
Кутшөм чунөк, ясыд, помтөм сэни!

Сьөлөмөн кө – кылан: тайө ваыс  
Му пуксьытөдз вөлі. Сійө, сійө  
Нойөс гөра йылас коркө вайис,  
Йөрдан юын кывтіс – Вежа киө.

Кымын сөрни вөлі тасъяс йылысь:  
Кадыс абу өткодь, иныс – пөлөс...  
Өти тас и вуджны колө збыльысь –  
Сөмын огө лысьтөй – сэтчө... чөлас.

\*\*\*

Тэнад эмось кодзувьяс, и быдтор!

Менам – нинём абу, весиг мөвп:

Ставсө – сетлін, ачyd мeын быдтін.

Видзөдлы... Тэ – вемөс, а ме – вөт.

Медводдзаөй менам, менам бөрья!

Сетны тэныд мыйджык? Ставыс эм...

Төдан, менам аслам – сөмын бөрйөм.

Медым, сідзкө, сійө лоас – тэн!

\*\*\*

Велөд менө лолавнытө, велөд!  
Сюрса лый – сус пу кодь мед зэлыд!  
Сынөдыс мед визувтас вуж йылөдз,  
Эрдьяслы мед восьса – ылөдз-ылөдз!

Морөс тырөн юа вежа ловтө,  
Ветлөдлө, кыт көсийө, мунө-локтө.  
Югыдджыкөн, визувджыкөн лоө  
Тэнад визув лолод менам лолөй!

- Адам! Тэ көні?..

Вочакывыйс абу.

И тыртөммөма Енлөн гажасадайын.

\*\*\*

Быд здукө менсьым юасян: «Тэ көні?»

– Ме тани! Коскөй веськыд. Зэлыд вөня.

Ме кывза. Мирсө вунөдөмөн. Чөла.

Би – абу жар. И бушков – абу төла.

Ме локта. Ньөжйө. Мед не усьны өні...

Өд лэдзчыся кө – пом. И колө кайны!..

Ме өдва кывмөн шөпкөда: – Тэ көні?

И быдпөрийө мен вочавидзан: «Тани!»

\*\*\*

Меным сетан кө медбөрья здуксө,  
Кутшөм лоө нө сийө сэк? Кутшөм?  
Косьмөм вомдорөн гөлөстө чурска?  
Муса синватө чышка ки лутшөн?

Өти здук – сийө абу и этша:

Бөрья окыштөм тэныд кө – пөся,  
Аскөд босьта кө мыйтакө этштө,  
Медым некор не торьявны сэсса.

\*\*\*

Ме тэрмаси. Ме збыльысь, ёна тэрмаси.  
А мыйла? Медым сывъяд – öни – лоны.  
Öд кöнкö сэни – локтанас – ми тöдмасим,  
И талун – тэтöг – позис öмöй овны?

Мен олөм ичöt кага вылö индылис:  
Ме адззи, сийö тэрмасьтöг, а быдмö.  
Но велöдөмсьыс – горшасьысьöс – виньдöдлис,  
И кажитчис, мый мöдлы сийö инмö.

Ме тэрмаси. Ме ньылöдлi да кынмöдчи.  
Ме шуштöм вояс – нимтö тэнсьыд горзи!  
Тэ сiдзи эн и вочавидз, эн тыдовтчы.  
Ме гөгөрвои сэки прөстöйтöрсö:

Оз ков мен тэнö корны, корсьны, тэрмасьны,  
А колö – лолысь няйтсö – роскөн, зырьөн!  
И биös видзны. Луннас весиг пöртмасьны.  
Мед ачыд менам югыдö тэ пыран.

\*\*\*

Ме эска тэныд, мусаёй.

Ме эска.

И йёзыслөн мен шуасьёмыс – веськодь.

И сьолём туйой менам важ мозыс на веськыд.

Ме тэнö виччыся, көть кодарö ог сетчыв.

Ме тэнö виччыся, көть кытчö ме ог веськав.

Ми коркö аддзысям, и енэж лоас дзескыд,

Мед шудным сэтысь аддзас аслыс места.

Тэ локтан, кыдзи көсьысин.

Ме эска.

*«... в изменчивости дней  
неизменяемое: верность Бога...»*

*С. Аверинцев*

\*\*\*

Верман менö эновтны да вунöдны!  
Венчайтчан юркытштö верман – кок улö!  
Еджыд платтьö кымөрьяс моз рудöдö,  
Öтка сикötш мольяс – пышкой кокалö.

Верман киöс – радейтысьöс – йötкыны,  
Верман весиг видзöдлöмысь видзчысьны!  
Сöмын кыдзи, кыдзи верман тшöктыны,  
Медым коркö дугда тэнö виччысьны?!..

*«И умер Иов в старости,  
насыщенный днями». Иов 42:17*

\*\*\*

Пөттөдз овны позьö. Позьö овны.  
Войтөдз öзьян муслунтö – не джынсö:  
Биа курыд пыдössьыс не повны,  
Дасьон лоны: йиа бöрын – пымсö.

Енмыс сетис, Енмыс мед и босьтас:  
Шуда чужан керка пыдди – пöим...  
Коркö, гашкö, туйяссö мен осьтас.  
Гашкö, сюрс во мысти. Гашкö, öни.

Ассиянь – туйöс осьти – лок да радейт!  
Ачылд төдан, мый мен збыльысь колö.  
Вына киад – абу сöмын ма, дерт...  
Тэ вöсна кö – юа. Тэныд – ола.

Пөттөдз овны позьö. Тэкöд – позьö.  
Радейтны кö тэнö – овмөн, кувмөн.  
Лышкыл киад – шондяс моз – ловзя,  
Кулём бöрын садьма – шуда нюмөн.

## Багатыр

Яндысис, мый быдмис татшөм кузьөн,  
Шмонитисны: керка джуджда тайö!  
Сывъя пельпомнад он саяв гусьөн  
Ляпкыд саяд.

Сулалö автобусын и кылö,  
Ичöt зонка шензьөмпырысь вашкö:  
– Дядя, тэныд öтнадлы сэн, вылас,  
Абу гажтөм?

Кытысь аддзан öтвылнаа ёрттö,  
Турун пöвстас пожөмөн кө чужин?  
Кызди лысьтін – мойдысь – локны кортөг?  
Кызди кужин?

Ёна важөн вөлөма тан ягыс,  
Вунөма нин: Енэжөдзыс кызди?  
Ляпкалисны кывъяс, мортыс – ямис,  
Чиніс кытчö?

Важъя джуджыд яглөн öтка быдтас!  
Вольнöй тöлыс көръяссö тэн öктö!  
Мыйö нö тэ велалін сэн, вылас?  
Коді төдö?!

## Ёртасьём

Сійё сулаліс օтнас и видзօдіс,  
Кыдзи дивитօ сійօс дзօнь школаыс.  
Ичօт пернаօн – кымынօс шызьօдіс!  
Дубыд луньяссօ – босьтис да – солаліс!

Со директорыс пернасօ нетшыштис!  
Мыйла чօв олօ йиркыс? Оз ветлօдлы?!  
Мыйла Енмыслօн чужօм оз векрыштчы?!  
Мыйла вынсօ да гымсօ оз петкօдлы?!

Шуштօм чօвлун сьօд кымօрօн օшійօма.  
Вывтис виччысьтօг помассис олօмыс...  
Рытнас ёртьяскօд ворсыштны кօсійօма,  
օні – няйтыдкօд – некод оз чолօмась.

...Мыйкօ вօрзис друг сынօдас. Зымкօдօ.  
Кодкօ матыстчօ, матыстчօ сыланьօ.  
Орчօн сувтис. И гораа: «Сыкօд ме!» –  
Ёртыс вашнитис чօвлунас – гымньօлօн!

## Авраам

Муыс миян тырмыны эз кут.

Торйөдчыны колө – коді кытчө.

Асывланьыс – веж, а рытлань – руд.

Бөрйы, мый тэн колө, кыті мича.

Асывланьыс – паськыд, сөстөм ю,

Муыс чужтө некымынысь вонас.

Рытивланьыс – абу шор, ни пу,

Сөмын бус да гырысь изья сёнъяс.

Асыввывсө бөръян? Вот и бур!

Сідзкө, рытиввылас – мунны меным.

Мөдөдчи. И чуйми: мыйысь друг

Дзоридзьясыс мыччысисны сэні?

## Каин

Сылысь козинсö – Енмыс сибöдiс!  
Менсьым – кедзовтiс: со пö тэд!  
Эз босьт. Дивитiс. Синмö шыбитiс!  
Бытьö эг ассьым Сылы сет!

– Юртö лэдзöмыд... Мыйысь майшасян?  
Бурöс вöчин кö – он öд пов.  
Юртö лэдзин кö – мыжыд матыстчö.  
Вöтлы сийöс да – восьсөн – ов!

– Кутшöм тöдса мен рöднöй гөлöсыд!  
Да, тэ радейтан! Мекöд шань!  
Со тай сьөлөмöй. Босьт да чөлөсав:  
Вöли изйөн. А лоис – нянь.

Эг öд быдтасöс Тэныд козинөн:  
Кöдзыд сьөлөмөн – кöдзыд сись.  
Кöдзыд сьөлөмнад бытьö поэяна  
Сетысь кийдлы водзöс – из...  
Велöд мыжыслы öдзöс пöдлавны,  
Медым Авель мен коляс – ёрт!..

...Сiдзи мортвужйын эз и тöдмавны,  
Кыдзи морт кийсь бырö – морт.

## Ылавлөм пи

1

Вывті гажтөм, вывті руд  
Өти инын, өти йөзкөд.  
Өти горт да өти луд –  
Паськыд эськө, сөмын... Дзескыд.

Кытчө корө менө вын,  
Кытчө кыскө менө кыа,  
Сэни сьөлөм – быттьө гым  
Енэж пасьта гора шыа.

Выльмөм сынөд, быд лун пир,  
Ёртъяс – лов рөд ёртъяс, пыкөд.  
Нянь да вина – яй да вир,  
Ачыс Енмыс быд лун микөд...

...Коркө сьөм моз сыліс ру  
Син водзсьыс да сьөлөм водзсьыс –  
Быттьө сотчис ыкша пу,  
Адө лэччан пуыс сотчис.

Сьөлөм пыдөдз босьтіс шен:  
Вөліны өд лов рөд ёртъяс,  
Быд лун вөлі ськөд Ен  
Сэки, сюрс во сайын.  
Гортас.

Кыдзи тадзи поэьö, медым – воча?  
 Öти воськов мясянь, тэсянь – кык...  
 Ачым тэысь пышйи. Ачым сотчи.  
 Муслунөн ме муслунтö эг пык.

Ачым лоті ставсö, мый тэ сетлін.  
 Аслам синмöй гажтöмтчöмысь руд.  
 Кыдзи нö тэ воча меным петін?  
 Вермас öмöй лоны татшöм шуд!..

## Котыр

Абу весьшөрö вöчöма котыртö:  
Сылөн зэв ыджыд, зэв ыджыд вын!  
Кытчö веськөдчас – сэтчö и котöртан,  
Оз кө кажитчы – он на и мын!

Важөн – кокниджык вöлöма сöстöмлы:  
Овны көсьян кө – Еннога ов.  
Лышкыд радейтöм синьясын лöсталö.  
Здукөн торьялан, пемдас кө лов.

Талун – кокниджык гудыртчöм лолалы.  
Кытчö котöртам – некод оз тöд.  
Кодкө сурас кө – Енэжнас лолалö –  
Няйтын талясны, кытчöдз оз пöд.

Кодакості и нюрсяліс олöмыс?  
Вöлі саридз, а кольöма гöп.  
Эз быр котырысь торьявны полöмыс,  
Сöмын котырыс лöма – мöд.

## От гөраса вичкояс

От гөраыд – важъя, мича му!  
Енэжыс тан вывті, вывті матын!  
Кымөръяссө толыс кө эз ну,  
Овмөдчисны найө эськө татөн!

Овлөмаось тані уджач йөз,  
Кыпөдлісны вичкояссө найө.  
Енэжыскөд мусө йитіс крест –  
Быттьө зарни якөр – Енэж ваын.

Көнөсь өні якөръясыс, көн?  
Енэжыскөд мый нө өні йитас?  
Гора звөна муын – вывті лөнь:  
Быттьө митөг олан гажыс кывтіс...

От гөраыд – важъя, мича му!  
Енэжыс тан вывті, вывті матын!  
Оз кө дышыс лөсьөд татчө гу,  
Кыптасны на вичкоясыс татөн!

## Эжва ю

«Коді сьыліс-бласлөвитіс ватө?» -

Юасьлісны тэнсьыд важся йөз.

Кывтан уна нэм, а век на татөн,

Важ моз кийд – небыд, синмыд – лөз.

Висьтав, кьдзи сьывлісны тэн войтыр!

Морөс вылад пыжыс вөлі – тшем!

Мелі кывйыд шедліс тэныд войдөр

Сымда, мында чериыдлөн – сьём!

Мед жө эськө коркө коми челядь

Бурсиасны тэнсьыд сөстөм ва!

Юаласны: «Сьывлісны-ө тэныд?»

Шуда ныв моз вочавидзан: «Да!»

\*\*\*

Сөмын выныштчыны колө. Выныштчыны!  
Кызди чөжпиян – мамсө кылігас.  
Кызкө ылыстчыны, кызкө вылыстчыны –  
Сэсса кокниджык лоас – выліас.

Тайө выныштчөмыс – абу помасьлытөм:  
Ассиянь воськов, а сэсса Енмыслөн.  
Різі пөлаясас сөмын домасьлыны –  
Кылан, шонді моз, тыран эбөсөн.

Сөмын выныштчыны колө. Выныштчыны!  
Оз кө, дыш руыс босьтас, лямөдас!  
Ассиянь – төрыгьясянь – кызкө сыныштчыны –  
Сэки выльлаө визув вайөдас!

\*\*\*

Век на кевмысьны ог куж.  
Менам кывйысь – кыр оз вешйы.  
Гашкө, сьөлөм вылын пуж,  
Гашкө, збыльысь ме ог көсйы?

Көть и быдта воысь во,  
Эскөм век на – вез кодь – вöсни.  
Орас кө да оз кө ло –  
Енмө, кевмысьышт ме вöсна!

\*\*\*

Вашнит: ставыс лоас бур!  
Сы вöсна мый – бурсö кöдзам.  
Лолыд – абу кадъя нюр,  
Лолыд – лунысь лунö öддзö.

Öддзö енкöла, и сэн  
Унджык артмö выль планета.  
Öти вашнитöм и эм –  
Кодзув мында бурсö сетö.

\*\*\*

Кадыс помасяс коркө, бырө –  
Кызди саридзын бырө ю.  
Сэки шутөмтө он нин шу,  
Пыртөм лоис кө, он нин пырав.

Сэки пыр кежлө сьөрсьыд коляс  
Сөмын сійө, мый сетлі тэд.  
Кытчөдз эмышт на кадыс – төд:  
Тэныд пыр кежлө сеті лолөс.



# Ме велӱдча радейтны ВЫЛЬЫСЬ...

\*\*\*

Ме вунөді, коді ме, кытысь...  
Да мыйла ме Му вылас локті.  
Ме велөдча радейтны выльысь,  
И выльысь со сьөлөмөй потө!

Оз сьөлөмөй пот – потө гадьыс,  
Мый пөльтлөма асныра лолөй...  
И выльысь ме төдмавны садьма,  
Мый меным да мясянь тан колө.

Ловъя ловсянь да ловъя лолөдз  
 Векни вөлөкыд сэтшөм кузь...  
 Быттьö му весьтас Войвыв кодзув:  
 Чайтсьö - матын, а он тай судз.

Войвыв кодзувлысь видлы юав:  
 Мыйла чусмöма югыд син?  
 Кытчö вошöма сөстөм югөр?  
 Мыйла сьөлöмыс из кодь кын?  
 Гапкö, ачыс нин сийö көсйö  
 Юкны морöсас пессьысь дой!  
 Сöмын полö. Ачыс оз вöзйысь:  
 Сэтшөм овтöм да ловтöм вой.

Сэсса збоймö да висьтасьö помөдз,  
 Ылькйö ытваөн норасьöм-мудз.  
 ...Сöмын ловсянь да ловъя лолөдз  
 Векни вөлөкыд сэтшөм кузь...

Сувтін. Сывйыштін зэв пöся.  
 Чуймөм бандзибъясöс окыштін:  
 «Олюк, öтитор мен кöсйысь,  
 Кöсйысь, мед кö олөм сконйыштö».

Быттьö доналöма сынöд,  
 Кывъяс вашкөдöмысь зэвтчöны:  
 «Усян кö, мед лоас выныд,  
 Медым лоас выныд – чеччыны».

«Олөм небөгтö ме тöдысь.  
 Энö полöй: вынöй выйыштым».  
 Эг öд тöд, мый некор мöдысь  
 Вына пельпомтö ог сывйышт нин.

Збыльысь тöдысьөн – тэ – вöлн,  
 Овны – абу небөг лыддыны:  
 Мөдöдчи, и сымда кöин  
 Лолöс кыйöдöны мырддыны.

Уси!.. Муыс сэтшöм сола,  
 Вынöй кок пыдöсöд лэччö нин...  
 Көн тэ, сьөлөмшөрöй? Волы!  
 Тэ öд кужан, кызди – чеччыны!

Көнкө дзибрөс пыж кынмөма берегас,

Сэни пукалө йөжгыльтчөм лов.

Чөла видзөдө кодзула енэжас,

Еджыд бандзибас – синвасьыс сов.

Ёна доймө, кор съөлөмнад лукасян

Тайө мувывса йиас. Оз пот,

Оз, оз пот на яй съөлөмыд – бурасяс.

Сөмын мыйла нө съөкыд да шог?

Мыйла пукалан өтнадөн, виччысян

Быттьө кутшөмкө юөр тэ сэсь,

Помтөм енэжсьыс? Съөлөмнад шыасян?

Лөня чуксасян?.. Ывлаыс сэзь.

Сэтшөм көдзыд. И нэмьяс пыр аддзан тэ:

Пуксис дорад пым съөлөма лов.

Пөся окыштис китө и казьтыштис:

«Тэкөд вөлі и лоа. Эн пов».

## Зэр

Быттьö вoссьöны гуся öдзöсьяс,  
Быттьö шудланьыс ышöдö вöт,  
Быттьö позьö на бурмыны öнисянь,  
Быттьö вольсасьö морöсад шöвк...

Кыдзи виччысис зэвтчöм вөр-ваыс!  
Кыдзи личмунис öнi друг!  
Сэтшöм кокни да мелi көрьясас,  
Кодыр муыс да ваыс руд.

Зэрыс малалö кокни чуньяснас  
Сылань бергöдчöм корлысь бан:  
Шуда радейтöм быттьö тунавсьö,  
Кодыр овсьö и öнi, и тан.

\*\*\*

Во­лы ме ордö коркö асыв­нас.  
Сэтшöм том­нас и сэтшöм ясыд­нас.  
Медым киясыд – ме­нам киясын.  
Медым син­гьясыд – ме­нам син­гьясын.  
Медым сьö­лö­мыд ньöти гьястöм,  
Ньöти кымöртöм, ньöти пыдöстöм.  
Медым Ен эж кө – збыльысь Енмыслөн,  
Медым мича кө – лы пыр вемöсөн.  
Медым овны кө – ловтö öзтöмөн,  
Медым кувны кө – бурö эскöмөн!

\*\*\*

Ме – ва дор, а тэ менам ваёй.  
Тэ коркё локтан гыён-валйён,  
А коркё окалыштан муртса -  
Му пыдөсөдз ме ватө чурска.

Ме восьса тэныд бөръя изйөдз –  
Ог пышйы – сибөда дзик ставсө:  
Мен нимкодъ юны тэнад кийсь  
И лөнь, и гыа  
саридз васө.

\*\*\*

Öти луныд – абу кызь нель час,  
Öти луныд – сійö быдса олём.  
Серпасын моз – пас бёрся выль пас –  
Мастер мелі киён тэö кольö.

Öти олём вуджим, аски – мөд,  
Аски выль ног мусаöсь да томöсь.  
Аскомысь ми кутшöмөсь? Ог төд:  
Мастер кийн олөмыс оз помась.

\*\*\*

Кылалёны кывъяс – зарни коръяс,  
Ладмөдчёны кывъяс өта-мөдө.  
Коді найөс лөсьөдліс да дорліс –  
Сійө налысь донсө збыльысь төдө.

Зарнисъыс на донаджыкөсь найө:  
Сьөлөмын да вежөрын өд – горйыс.  
Позьө, тэныд чужан лунад вая  
Сьөлөм пыдысь медся мелі коръяс?

Шонді югöрыс юрситö шыльöдö,  
 Сійö радлö, мый воин тэ гортö.  
 А ме тэ вылö шензьöмөн видзöда:  
 Аддза, мыш саяд кыптöны бордьяс.

Лэбзы, эн пов,  
 Ме тэкöд.  
 Вылöджык лэб, и сэки  
 Аддзылан:  
 Сывьялö енэж мусö,  
 Налөн оз быр, оз куслы  
 Радейтчöм.

Шонді югöрыс синъястö югзьöдö,  
 Пырыс тыдалö инасьтöм лолыд.  
 Водзö лэбан, и шондiсö судзöдан,  
 Сöмын оз ков пöсь югöрсьыс повны:

Енэж сьöлöмын некод эз сотчывлы,  
 Воча сетлис кö югыдсö сылы.  
 Тэ öд некытчö некор эн кольччывлы -  
 Лэбзы, мусаöй, вылöджык! Кылан?

\*\*\*

Локтан коркө югыд ягө –  
Быттьö челядьдырся мойдö.  
Быттьö ачyd на тэ кага,  
Быттьö олöмыс эз дойдав...

Быттьö ставыс сэтшöм ясыд!  
Мунан-мунан – енэж помтöм.  
Нинöм оз ков тэныд аслыд,  
Сöмын овны эськö, овны!

Öнi чуқырьяса баныд,  
Наысь некытчö он воштысь...  
Сöмын эм öд важья тайна,  
Тэныд ягыс сийöс восьтас:

Мед кö, эз кö ставыс артмы,  
Мыш саяд нин быттьö олöм –  
Лолыд арлыдтö оз артав,  
Лолыд нэмсö кольö томөн...

\*\*\*

Прөстит менө, мый ме татшөм көдзыд:  
Кыв ни джын ог шу, кор меным лөсьыд.  
Кыв ни джын ог шу, кор меным сьөкыд –  
Кыла ме, мый кывйыс – тайө сьөктөд.

Сьөлөмөй өд чуксасьө кыв шутөг,  
Мөвпөй шытөм – абу сылы кутөд.  
Прөстит менө: кывьясөн ог зэрмы,  
Зато тэнө пөръявны ог вермы.

\*\*\*

Куим лун! А быттьö куим нэм –  
Меным тэ эн звөнитлы, эн гижлы.

Төдö сөмын өтнас гортса стен,  
Кыдзи дойöс сэтчö гижлі – гыжйөн!

Куим нэмтö вуштыны оз позь:  
Гортйын моз ме кувлі, ловзи, выльми.  
Өні кө и звөнитлан – ог босьт:  
Төдтөм мортлы звөнитчыны – мыйла?..

Сөмын төдан... Надейтча на ме:  
Пыр на муса сьөлөмыд мен восьса...  
Куим луныд – абу куим нэм:  
Ачым кө тэн звөнитла – тэ босьтан?

\*\*\*

Тэ помнитан, кыз торйөдчим ми тэкөд?  
Ми көсйисим, мый паныдасям регыд.  
А туйыс водзад вөлі сэтшөм паськыд...  
А йөзыс водзын лолыд сэтшөм пасьтөм...

Тэ ачылд шоныд сывйысь мунны бөрйин,  
Мед юны шудсө-шогсө мекөд шөрйөн,  
Мед төдны аслыд, мый ме важөн төда.  
И локны коркө ме ордө дзик мөдөн...

...Тэ мукөддырйи сывйөс менсьым казты,  
И оз ло сэки туйыд сэтшөм паськыд.  
Тэ локтан коркө. Локтан дзик нин мөдөн,  
Но важ моз тэнө радейтны ме мөда.

\*\*\*

Нинём. Нинём. Сьолёмой, эн бёрд.

Анделыд на аскёдыд өд колис!

Сыкёд, кодёс өнөдз на эг төд,

Төдмасьнысё кадыс буретш воис!

Ёртёй, коді бёрддзөдны оз куж!

Ёртёй, кодёс Енмыс сетліс коркө!

Төдан, менам ордымөй зэв кузь!

Төдан, меным окота зэв – гортө!

Но өд миян водзджыксё оз позь.

Өтлаын ог бёрынтьчөй на шудысь!

Кык вылад и войтыд – быдса содз!

Кык вылад и шөрём – быдса тупёсь!

\*\*\*

Тэнад чуньясыд менам чуньясысь  
Вөсни көсаяс быттьö кыöны,  
Киöй кийдкөд зептад дзумгысьö,  
Мунам водзö, а быттьö – кылалам.

Кутшöм жар меным зептад кийдкөд!  
Быттьö сьöлөмтö – тiля кабыртö,  
Чуньяс костöдыд вирöй исковтö –  
Сэтшöм пöся тэ менö шамыртан.

Дзескыд пемыдас – быттьö пышкайяс:  
Гуся зептыд тай позйөн вöлöма.  
Коді казялас менö, пышйöдас? –  
Тэнад кийн кө – менам сьöлөмöй?

\*\*\*

Ме тэнö радейта ог сыысь, мый тэ мича  
Да югид, быттьö дзоридзалысь вөр.  
Ме тэнö радейта ог донысь – прöста сідзи,  
Мый öтнам аслам муслунö ог төр.

\*\*\*

Тодан, меным мукөддырйи кажитчө,  
Мый тэ олигчөжыд менө быдтін:  
Синватө кор чышкин, эскин, надейтчин –  
Кодзувьясыс вешьялісны кыткө.

Кор тэ полін, тіралін, но воськовтлін,  
Чужөмьясысь образьяс кор аддзин,  
Кор эн шулы аддзывтөмсө – позьтөмөн,  
Быдтін менө тыдавтөма, надзөн.

Гежөд козин Енмыс миян козьналө!  
Мыйысь татшөм шудыс меным? Мыйысь?  
Өти нэмө аддзысим, и позьө на  
Тырыс нэм на овны миян выльысь!

\*\*\*

Ставыс гөрддзасис көнкө сәні,  
Кытчө коркө ми тэкөд воам.  
Тайө ладмөмсө колө өні  
Ас пыр нуөдны – киөн, вомөн...

Медым ки вылад гижөм туйыс  
Менам ки вылө төдтөг вуджө –  
Сэки рай шөрас петысь пуыс  
Лэдзас сьөлөмад крепыд вужьяс.

Медым вомдорсьыд мелі вомөй  
Мывкыд кывьястө войт оз уськөд –  
Сэки вежөрыд выльмө, томмө,  
Вайө сө пөвста озыр тусьөн.

Төдан, ставыс нин микөд лоис:  
Муслун гөрддзасис – он нин сайөд.  
Тэа-меалы сөмын колис  
Сійөс быдтыны весьтас райө.

\*\*\*

Төдан, кутшөм серпас менө шонтө,  
Сэки, кодыр муслунтөгыд кынма? –  
Төвся яг, и сэтшөм сийө помтөм,  
Йөзыс ворсөны, а гөгөр – лым на.

Корөны со тэнө: пөсь на чайныс.

А тэ мелань локтан – собан лымсө.

Радейтөмтө – пөсь вивсьыс – мед вайны:

Сө пөв чөскыдсө да сө пөв пымсө!

Сэтшөм лөсьыд, кор ки вылад новлөдлан –  
 Быттьө мамуклөн кынөмас – шонтыся.  
 Оз нин лет менө төлыс, оз бовйөдлы.  
 Шоныд морөсад сьөлөмөй ломтысьө.

Мыйкө юала – висьталан меліа,  
 Водзвыв төдан – и быдпөрийө чуймөдан!..  
 ... Мыйла йөзыслөн пыжас и сөвлі-а?  
 Кыдзи лысьті ме синьястө вунөдны?

Кодөс корсьыси йөзыслөн саридзын?  
 Чизыр төвсө сэн кымынысь ньылыштлі?..  
 Кор тэ орччөн дзик вөлін и надейтчин,  
 Медым бергөдча тэлань да сывйышта...

Тэныд көдзыд жө сьөлөмтөг вөлөма,  
 Кыдзи эновтөм керкаын – олысьтөг.  
 Öні, өтнаным Му вылас, чөв-лөня  
 Тэкөд кывзам, кыз сьөлөмөй ломтысьө.

\*\*\*

Тэкөд лолавны – зэв ыджыд шуд!  
Өти сынөд – и тэын, и мейн!  
Өні, мый көть тэ вөчны он кут, -  
Здукөн шыасяс менам быд сөнын.

Со тэ лыаті мунан, а ме  
Кыла, сотыштө кокъясөс кызди.  
Муса кызд путө малыштан тэ –  
Менө воча жө радейтө кыздыд.

Локтас тэ ордө нюмъялысь мөвп –  
Здукөн кывбурам сійө нин пырө:  
Вирсыд сынөдсө некыз он чөвт,  
Тэнад сынөдыд – менам кө вирын.

\*\*\*

Төдан, быдторлы – аслас кад:  
Тэнад муслунё локтіс туйёй.  
Пырны коран кө – ме зэв рад!  
Мед көть мый сэсса кодкө шуё.  
Гашкё, виччысьё кёнкё ад,  
Мыйла эг вермы тэысь пётны...  
Сідз кө, сы вылө – воис кад.  
Кадыс воас и адысь петны.

\*\*\*

\*\*\*

Тэ кө ме йылысь коркө гижан,  
Гиж, кыз прөститлім öта-мөдөс.

Кызди вашкөдлім: да, ме мыжа,  
Медым овнысö ловным шедас.

Мед кө кувлывлім недыр, мед кө,  
Мед кө, вунөдлім шудным йылысь,

Зато велалім öта-мөдкөд  
Быд лун төдмасьны быттьö выльысь.

\*\*\*

Позьё, тэнад вичкоё ме пыра?  
Вежавидза – вир шыёй оз кыв.  
Ставсё, мый тэ судзин оландырнад –  
Восьтан, быттьё мелі, тіран сыв.

Восьтан – быттьё босьтан аслад рөдө,  
Вежаинад лэдзан. Эскан мен.  
Вёлтар өдзөсөд – и шудысь пөда:  
Сэтшөм лөсьыдын тэ олан сэн.

Эскан меным, мед көть мый ме вөча,  
Весиг сэк, кор дойсё вая тэн.  
Тадз жө, көнкө, Енмыс мортсё лэдзө.  
Тадз жө, көнкө, эскө сылы Ен.

\*\*\*

Бытгьö чöскыдөн öвтис. Ладанөн –  
Сэтшöм шаньён тэ локтін, ладаён.  
Поньяс нюлöны, оз нин увтчыны,  
Номьяс ланьтисны. Оз, оз куртчыны.  
Изьяс мышнысö – тэлань шыльыдөн,  
Тöлыс – пыжöс моз – нуö-кылöдö.

Тадзи радейтны кодкö чуксалö,  
Кор тэ мусаён лоан – мусалы.

\*\*\*

Лэпты меланьö югыд синьястö...  
Сöмын видзöдлы нöшта öтчыдысь!  
Медым нэм кежлö лолöй инасяс!  
Медым шоналас тайö кöдзыдас!

Ме öд корсьыси тэнö олөмös,  
Кымын вөлök ме соби-талялі...  
Ошкөн-көинөн вені полөмös,  
Вені дыш руös винёв каляөн.

Курыд мөвпьясös кушөдз ытшкылі,  
Курыд шогьясös быртөдз мольөдлі,  
Медым öтчыдысь  
Бөрья тыш вылө  
Татшөм синмөн  
Тэ менö  
Кольөдан!

\*\*\*

Сьökыд öмöй лэдзны тэнö? Сьökыд?  
Кабырöс нö восьтны меным дыр-ö?  
Öти чуньтö веськöд... Мöдсö веськöд...  
Мыйла крепыд кийöй тадзи сырмö?!  
Бөрьяысь ми сулаламö тэкöд.  
Видзöдлы мен синмö. Мед кö зэрмö.  
Аддзан – синмын кыкысь тэ. И некод  
Тэнö сэтысь кыскыны оз вермы.

\*\*\*

А.

Колльöd менö, мусаöй, му помöдз...

Позьö кө и, енэж помöдз колльöd.

Кывбурьяссыд ловзьö кулом дзоридз,

Кодöс сьöлом пыдын косөн кольли.

Вунöдлі, мый сійö көнкө эм на,

Вунöдлі, мый сійö юны корö:

Чайтлі, сійö менам – сутшкысь ема,

Чайтлі, сатök лолöс тадзи дорйö.

Кывбуртö ми юам вомсянь вомöдз,

Вежöрад мен сунны сэтшöм долыд!..

Колльöd менö! Колльöd олөм помöдз!

Позьö кө и, олөм саяс колльöd...



\*\*\*

Мыйкө ыджыдтор, мыйкө буртор  
Менө асывнас водздзык садьмөдө:  
Сійө – лэбзьөдө быттьө юртө,  
Асьтө вынаөн кылан, шаньөн да.

Сійө воylvлө кызкө төдтөг:  
Төдтөм карьясөн быттьө дэльөдчө,  
Кор ме казтышта: тэкөд! тэкөд!  
Выль ног радейтны кыкөн велөдчам!

## Юриндалысь

Сöмын колö – сувтлынытö кужны .....	5
«Адзан, кызди сöстöммöма ваыс?..» .....	6
«Тэнад эмöсь кодзувъяс, и быдтор!..» .....	7
«Велöд менö лолавнытö, велöд!..» .....	8
«Быд здукö менсьым юасян: «Тэ кöни?» .....	9
Меным сетан кö медбөръя здуксö...» .....	10
«Ме тэрмаси. Ме збыльысь, ёна тэрмаси...» .....	11
«Ме эска тэныд, мусаöй...» .....	12
«Верман менö энотны да вунöдны!..» .....	13
«Пöттöдз овны позьö. Позьö овны...» .....	14
Багатыр .....	15
Ёртасьöм .....	16
Авраам .....	17
Каин .....	18
Ылавлöм пи .....	19
Котыр .....	21
От гöраса вичкояс .....	22
Эжва ю .....	23
Сöмын выныштчыны колö. Выныштчыны!..» .	24

«Век на кевмысьны ог куж...» .....	25
«Вашнит: ставыс лоас бур!.. » .....	26
«Кадыс помасяс коркө, бырө...» .....	27
<b>Ме велөдча радейтны выльысь</b> .....	29
«Ме вунөді, коді ме, кытысь...» .....	30
«Ловъя ловсянь да ловъя лолөдз...» .....	31
«Сувтін. Сывйыштін зэв пөся...» .....	32
«Көнкө дзибрөс пыж кынмөма берегас...» .....	33
Зэр .....	34
«Волы ме ордө коркө асывнас...» .....	35
«Ме – ва дор, а тэ менам ваёй...» .....	36
«Өти луныд – абу кызь нель час...» .....	37
«Кылалөны кывъяс – зарни коръяс...» .....	38
«Шонді югөрыс юрситө шыльөддө...» .....	39
«Локтан коркө югыд ягө...» .....	40
«Прөстит менө, мый ме татшөм көдзыд...» .....	41
«Куим лун! А быттьө куим нэм...» .....	42
«Тэ помнитан, кыз торйөдчим ми тэкөд?...» .....	43
«Нинөм. Нинөм. Сьөлөмөй, эн бөрд...» .....	44
«Тэнад чуньясыд менам чуньясысь...» .....	45

«Ме тэнö радейта ог сыысь, мый тэ мича...» .....	46
«Төдан, меным мукөддырйи кажитчө...» .....	47
«Ставыс гөрддзасис көнкө сэни...» .....	48
«Төдан, кутшөм серпас менө шонтө...» .....	49
«Сэтшөм лөсьыд, кор ки вылад новлөдлан...» ...	50
«Тэкөд лолавны – зэв ыджыд шуд!...» .....	51
«Төдан, быдторлы – аслас кад...» .....	52
«Тэ кө ме йылысь коркө гижан...» .....	53
«Позьö, тэнад вичкоö ме пыра?...» .....	54
«Быттьö чөскыдөн өвтіс. Ладанөн...» .....	55
«Лэпты меланьö югыд синьястө...» .....	56
«Сьökыд өмөй лэдзны тэнö? Сьökыд?...» .....	57
«Колльөд менө, мусай, му помөдз...» .....	58
«Ми ворсім тэкөд. Ворсім, кызди кужим...» .....	59
«Мыйкө ыджыдтор, мыйкө буртор...» .....	60

*Литературно-художественное издание*

**БАЖЕНОВА Ольга Николаевна**

**Я ЗАНОВО УЧУСЬ ЛЮБИТЬ**

**Стихи на коми языке**

**Компьютерная верстка – В.В. Сысуева**

Подписано в печать 28.10.2016.

Тираж 280 экз. Заказ № 370/2016.

Формат 60X81,1/16. Усл.п.л. 4,0.

Бумага офсетная 80/м2.

Печать ризографическая, цифровая.

Отпечатано в ООО «Типография «ПОЛИГРАФ-СЕРВИС»

Адрес: Республика Коми, г. Сыктывкар, ул. Ленина, 4

Тел/факс. 8(8212) 21-48-36.





*Ольга Баженова чужис 1992 воын Емдін районса  
Кӧдӧжмудор сиктын. Велӧдчис Коми Республикаса  
Юралысь бердса искусство гимназияын,  
Сыктывкараса канму университетын,  
фин-угор филология юкӧнын.  
Медводдза кывбура небӧг – «Шондіа ю» –  
петавліс 2012 воын.*



9 785600 015883

[bazhenova-olga2011@mail.ru](mailto:bazhenova-olga2011@mail.ru)

*Небӧг банас - Клод Монелӧн «Зонтика ныв» серпас*

Сыктывкар 2016